

समा. 09.20 Hrs

Headlines

1. राश्ट्रपति द्रौपदी मुरमू होरें CSIR दी टीम ऐरोमा गी राश्ट्रीय पुरस्कार भेंट कीता ऐ-केन्द्रीय मंत्री डाक्टर जितेन्द्र सिंह होरें लैवेंडर दी सफलता दी कहानी दी सराहना कीती ऐ। उधमपुर दे डाक्टर सुरेश कुमार अंगुराणा होरें गी बच्चें दी दिक्खभाल आले खेतर च अवार्ड हासल होआ ऐ।
2. जल शक्ति मंत्री जावेद अहमद राणा होरें पीर-पंजाल च महत्वपूर्ण ढांचागत ते प्रशासनिक मामलें दा जायजा लैता। उनें जम्मू शैहरा च पीने आले पानी सरबन्धी मसलें गी हल करने आस्तै इक समीक्षा बैठक बी लाई।
3. जम्मू-कश्मीर पुलसै भगौड़े आरोपी ते कथित पाकिस्तानी एजेंट गुलाम नबी शाह उर्फ डाक्टर फाई दी बडगाम च सम्पत्ति गी अटैच कीता ऐ।
4. जम्मू रेलवे डिविजन आसेया घने कोहरे करी रेलगड्डियें दे समें च लग्गने आले चिर गी घटाने ते यात्रियें दी सुविधा दे मददेनजर किश तालमी रेलगड्डियें च बाद्तू रेक लाने दी बवस्था कीती जाग।
5. जम्मू-कश्मीर खेड्ड काउंसल नै रोल बॉल World Cup च सुन्ने दे तगमे जितने आले खडारियें गी अंतराश्ट्रीय स्तर पर कामयाबी लेई सम्मानित कीता।

< > < > < > < > < > < >

Aroma Mission -Award

राष्ट्रपति भवन च कल आयोजित दूए राश्ट्रीय विज्ञान पुरस्कार समारोह दे दौरान राष्ट्रपति द्रौपदी मुर्मू होरें साईंसी ते औद्योगिक शोध सरबन्धी कौंसल CSIR दी अगुआई आले ऐरोमा मिशन गी उद्यमें सरबन्धी विज्ञान टीम अवार्ड भेंट कीता। CSIR दे तैहत कम्म करा'रदी ऐरोमा मिशन टीम गी जम्मू -कश्मीर च खुशबुदार फसलें दी रड़ ते इंदे'नै बक्ख-बक्ख उत्पाद तयार करने दा श्रेय हासल ऐ ते ए अभियान जम्मू-कश्मीर दे भद्रवाह ते गुलमर्ग इलाके थमां शुरु कीता गया हा। सोशल मीडिया मंच “एक्स” पर इस बारे अपनी प्रतिक्रिया दिंदे होई केन्द्रीय मंत्री डाक्टर जितेन्द्र सिंह होरें राश्ट्रीय विज्ञान पुरस्कार 2025 लेई टीम ऐरोमा गी मुबारकबाद दिती ते आखेया जे दुनिया गी परपल रैव्यूलेशन दा तोहफा देने ते राई-बाई सरबन्धी उद्यमिता च लैवेंडर गी इक नमें मौके दे तौर पर पेश करने दे उन्दे जतन काबिले तारिफ न। तोंआई उधमपुर जिले दे गां नगराटा पंजगाई दे बसनीक डाक्टर सुरेश कुमार अंगुराणा हो'रें गी बच्चें दी दिक्खबाल आले खेतर च टकोहदे योगदान लेई राष्ट्रपति हुंदी तरफा विज्ञान पुरस्कार 2025 हासल होआ ऐ।

<><><><><><>

VLW Pay Level

मुख्यमंत्री उमर अब्दुल्ला हुंदी अध्यक्षता च मंत्री परिषद दी बैठक लग्गी। इस दौरान ग्रामीण विकास मैहकमे च कम्म करा'रदे पंचैत सचिवें दी तनखाह गी बदाने लेई मंजूरी दिती गई। एह फैसला लम्मे चिरे थमां बकाया पेदी इनें लोकें दी मंग पर आया ऐ। इसदा मकसद इनें लोकें दे

जतने- कम्मै गी पंछानना ऐ ते उनें गी प्रेरित करना ऐ। मुख्ख मंत्री होरें सोशल मीडिया पोस्ट च इस बारे जानकारी दिती। उनें ग्रामीण प्रशासन ते अगगै होई फिल्ड च कम्म करने आहले कर्मचारियें गी समर्थन देने प्रति सरकार दी वचनबद्धता गी फही पक्का कीता।

<><><><><><>

Rana Meetings

जल शक्ति- जंगलात ते पर्यावरण मैहकमे दे मंत्री जावेद अहमद राणा होरें पीर पंजाल खिते च ढांचागत विकास ते प्रशासनिक मामले दा जायजा लैता। उनें खिते दे विकास प्रति सरकार दी वचनबद्धता फही पक्की कीती। मंत्री होरें पूरे-पराते सरिस्ते गी मजबूत करने ते चलाऱदे विकास कम्मै दी रफ्तार गी बदाने पर जोर पाया- तांजे इस खिते च रौहने आहले लोकें गी समें-सिर सहूलतें दा लाह थहोई सकै। इस्सै चाली दी इक होर बैठक च मंत्री राणा होरें जम्मू शैहर दी बक्ख-बक्ख थाहरें पर पीने आहले पानी सरबंधी मामलें दा जायजा लैता। उनें मुतलका अफसरें गी लौहकी अवधि आहली ते लम्मी अवधि आहली रणनीतियां तयार करने लेई आखेया तांजे शैहर दी मौजूदा ते भविक्ख दियें पानी सरबंधी जरूरतें गी पूरा कीता जाई सकै।

<><><><><><>

जम्मू-कश्मीर पुलस नै गुलाम नबी शाह उर्फ डाक्टर Fai जिसी भगौड़ा घोषित किता गेदा ऐ- दी सम्पत्ति गी अटैच कीता ऐ। ओह कथित तौर पर इक पाकिस्तानी एजेंट हा ते आई.एस.आई लेई पैसा किट्ठा करदा हा। पुलस नै बडगाम पुलस थाने च दर्ज FIR पर कारवाई करदे होई एह गें पुट्टी ऐ। सम्पत्ति गी जब्त करने दा आदेश सरबंधी प्रशासन थवां हासल होआ ऐ। अधिकारियें

दा गलाना ऐ जे एह गेंs गैर कनूनी गतिविधियें च शामिल लोकें खिलाफ कारवाई गी दर्शादी ऐ तांजे जम्मू-कश्मीर थवां आतंकवाद सरबन्धी फंड ते सरबन्धी तंत्र गी तबाह कीता जाई सकै।

<><><><><><>

आकाशवाणी दा क्षेत्रीय समाचार एकांश जम्मू राश्ट्री उपभोक्ता दिवस-2025 दे मौके पर 30एं मिनटें दा इक विशेष कार्यक्रम अज्ज 24 दिसंबर गी प्रसारित करोग। इस विशेष प्रसारण दा विशेषार होग जागरूकता थमां कारवाई तगर। इस कार्यक्रम दा प्रसारण दपैहरी सांझे 12 बजे कीता जाहग। इस विशेष प्रसारण च स्हाड़ियां परौहिनियां होडन उपभोक्ताएं दे मामलें दा नबेड़ा करने सरबन्धी प्रदेश आयोग दियां मिम्बर हेमा चौधरी, जेहिड़ियां कार्यक्रम दे विशेष पर अपने माहिराना विचार स्हाड़े कन्नै सांझे करडन। कार्यक्रम दी मेजबानी स्हाड़े एंकर विजय बजाज होर करा करदे न। इस चाल्ली दे होर सूचना प्रदान करने आहले प्रसारणें गी तुस आकाशवाणी जम्मू दे मीडियम वेव 303 मीटर यानि 990 किलोहर्टज ते एफ.एम 103 मैगाहर्टज पर सुनी सकदे ओ।

<><><><><><>

Railway Scratch Rakes

जम्मू रेलवे डिविजन आसेया घने कोहरे करी रेलगड्डियें दे समें च लग्गने आले चिर गी घटाने ते यात्रियें दी सुविधा दे मददेनजर किश तालमी रेलगड्डियें च बाद्दू रेक लाने दी बवस्था कीती जाग। इस प्रणाली दे तैहत इक बाद्दू ते पूरी चाली तयार रेक गी स्टैंडबाय पर रखेया जाग ते ओदा इस्तेमाल घनी धुंध जां संचालन सरबन्धी परेशानियें करी चिर लग्गने दी सूरतें च कीता

जाग। हाल दी घड़ी ए सुविधा जम्मू तवी- अजमेर एक्सप्रेस ते श्री माता वैष्णो देवी कटड़ा- न्यू दिल्ली- कटड़ा एक्सप्रेस लेई गै लागू कीती गई ऐ। सरबंधत अधिकारियें दा आखना ऐ जे ए बवस्था उस्सलै गै अमल च आंदी जाग जिस्सलै रेलगड्डी दे तय समें च 7 घंटे जां एदे शा मते दा चिर लग्गोग।

<><><><><><>

G RAM Bill

ग्रामीण इलाकें च रौहने आहले लोकें नमें विकसित भारत रोजगार गारंटी ते आजीविका मिशन ग्रामीण कनून 2025 दा सोआगत कीता ऐ। इसदे तैहत हुन 100 दिन दे बजाए 125 दिन दा कम्म रोजगार हासिल होग। इस गैँस कन्नै रोजगार दे मौके बदगंन- आजीविका दी सुरक्षा- आमदन ते रोजमर्दा दियें जरुरतें गी पूरा करने च मदद थहोग। लोकें दा आखना ऐ जे एदे कन्नै ग्रामीण अर्थ-बवस्था गी मज़बूती थहोग ते ग्राएं च कम्मै दे होर मौके उपलब्ध होगन। केई सारे लोकें सरकार दी इस गैँ दा सोआगत कीता ऐ। उ'नें आखेया.

<><><><><><>

Roll Ball Gold Medallist

खेड्डें दे खेतर च राश्ट्री ते अंतराश्ट्री स्तर उप्पर जम्मू-कश्मीर दा मान बधाने आले ते रोल बॉल वर्ल्ड कप च सुन्ने दे तगमे जितने आले सुविधा सरीन ते हितेश्वर सिंह होरें गी जम्मू-कश्मीर खेड्ड काउंसल दियें सचिव नुज़हत गुल होरें सम्मानत कीता ऐ। रोल बॉल ते एहदे नै जुड़ी दियें खेड्डें च इ'नें दौनें खडारियें दे लगातार शानदार प्रदर्शन पर उनें'गी मुबारकबाद दिंदे

होई सचिव होरें आखेया जे उंदियां उलब्धियां प्रदेश च बधा'रदी खेड्ड संस्कृति गी प्रदर्शित करदे
होई युवा खडारियें दा दिल बी बधा'करदियां न। सचिव हो'रें इस मौके पर हुनर गी बढ़ावा देने-
खेड्ड ढांचे गी तगड़ा बनाने ते राश्ट्री ते अंतराश्ट्री स्तर पर बधिया प्रदर्शन लेई मुकाबलेबाजी
आली समर्थ च बाददा करने दी सरकार दी वचनबद्धता गी पक्का कीता।

<><><><><><>

Katra Rush New Year

नमें बरे दे मौके पर श्री माता वैष्णो देवी श्राईन बोर्ड नै यात्रियें दे संभावित रश गी दिक्खदे होई
त्यारियें दा जायजा लैता। इस दौरान सुरक्षित- बवस्थित ते विजन कुसै परेशानी दे श्रद्धालुएं दी
यात्रा करोआने पर चर्चा कीती गई। बैठक दौरान मुख्य कारजकारी अधिकारी होरें मुतलका
प्रशासन गी हिदायत दिती जे ओह यात्रा लेई इंतजामें दा जायजा लैन- खास करी सुरक्षा हीलें
गी बी मजबूत ते पुख्ता बनान। यात्रियें गी RFID कार्ड देने पर खासी तवज्जो दिती गई। सुरक्षा
एजेंसियें बहु-स्तरीय सुरक्षा- फौरी तौर पर कारवाई करने आहली टीम ते आधुनिक ढंगे सिर
निगरानी बारे जानकारी दिती।

<><><><><><>